



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI

SIARAN MEDIA

KOLABORASI ANTARA JPPKK DAN NCIA SELARI DENGAN PROSES TRANSFORMASI POLITEKNIK, PERKASA KOLEJ KOMUNITI

SIMPANG AMPAT, 9 OKTOBER 2023 - Sinergi kolaborasi antara Jabatan Pendidikan Politeknik dan Kolej Komuniti (JPPKK) dan Northern Corridor Implementation Authority (NCIA) terutamanya di dalam sumbangan bersama pembangunan Northern Corridor Economic Region (NCER) yang telah berlangsung sebelum ini menunjukkan JPPKK sentiasa memperkukuhkan kolaborasi agar Politeknik dan Kolej Komuniti selari dengan pembangunan komuniti yang mampan.

Ketua Pengarah Pendidikan Politeknik dan Kolej Komuniti, Dr. Haji Mohd Zahari Ismail, telah mengadakan kunjungan hormat ke NCIA dan disambut oleh Ketua Eksekutif, NCIA, Encik Mohamad Haris Kader Sultan di Batu Kawan Pulau Pinang, semalam.

Kerjasama di antara NCIA dan Kolej Komuniti menunjukkan pelaksanaan 1077 kursus yang melibatkan 2175 orang peserta dan melibatkan peruntukan yang diterima Kolej Komuniti daripada NCIA adalah berjumlah RM2.8 juta melalui Program JomNiaga @NCER dan EmpowerNCER.

“Harapan saya agar kerjasama erat di antara JPPKK dengan NCIA dapat diperkukuhkan lagi di mana JPPKK dalam proses mentransformasikan peranan Politeknik dan memperkasakan Kolej Komuniti” ujar Dr. Haji Mohd Zahari Ismail sewaktu ucapannya pada sesi kunjungan hormat tersebut.

Sementara itu, Encik Mohamad Haris Kader Sultan, Ketua Eksekutif NCIA dalam ucapan beliau berkata NCIA memerlukan kerjasama yang sinergi terutamanya dengan JPPKK melalui peranan Politeknik dan Kolej Komuniti dalam peningkatan kemahiran dan bakat sebagai kunci utama di dalam mencapai visi yang disasarkan di dalam Pelan Strategik Pembangunan NCER 2021-2025.

Oleh itu kolaborasi berimpak tinggi antara JPPKK dan NCIA adalah seiring dengan aspirasi YB Menteri Pendidikan Tinggi agar Politeknik dan Kolej Komuniti menjadi pelonjak atau agen pemangkin kesejahteraan dan taraf hidup masyarakat sekeliling.

Hadir sama pada sesi kunjungan hormat ini ialah Pengarah-pengarah Politeknik dan Kolej Komuniti Zon Utara.

-TAMAT-

JABATAN PENDIDIKAN POLITEKNIK DAN KOLEJ KOMUNITI
KEMENTERIAN PENDIDIKAN TINGGI
10 OKTOBER 2023